



## Ach gott wem soll

ichs Klagen. mir leyt groß Kumer  
an. mein hertz wil mir verzagen.  
ich han vil sünd gethan. ich töufft  
beicht büß vñ rewe wölt ich gen  
got bestan. so rieff ich an mit trew  
en. maria die wol gethan.

Das sy mir gnad erwerbe. gen  
gott dem schöpffer mein. das wir  
nit ewig sterben. in trewen ich sy  
main. sy kan vnns wol bewaren.  
die kayslerliche mayd. wenn wir  
von hynnen faren. sy geyt vnns  
fryd vnd gelayd.

An vnserm löstert ende. Kan sy vnns helffen schon. sy mag  
vns gnad her sende. wol auß dem höchsten tron. Kum vnne  
zü hilff maria. behlet vns alle tag. zü dir so thün ich schreyen  
maria wennd vnser Klage.

Auff dich hab ich gebawen. du wöllest mich nit lan. das  
thün ich dir vertrauē. du bist gantz wol gethan. ich wil mich  
dir ergeben. gantz vnder thenig sein. in deinem willen leben.  
byß auff das ende mein.

Um will ich nit verzagen. ich wil in hoffnung sein. ihesus  
dem wil ichs Klagen. maria der müter sein. er hat für vns ge-  
litten. so yeimerliche not. ich wil in früntlich bitten. durch sein  
en grymmen tod.

Dar zü wil ich die rayne. maria rieffen an. in tritwen ich sy  
mayne. sy thie mir bey gestan. das sy vns gnad erwerbe. gen  
trem liebenn kind. das wir nit ewig sterben. sinder genaden  
find.

Die welt wil ich verachten. mit irer üppigkaye. das leyden  
gotz betrachten. ich hoff mir werd berayt. wen ich thün wy-  
der streben. den sünden allen gar. das ich nach disem lebent  
Kum an der engel schar.

Die sünd die wil ich beichten. auß meinem hertzen gantz.  
ich hoff mich thie erleichten. dar nach gödlicher glantz. von  
ihesus will ich begeren. glauben hoffnung vnd die lieb. wis  
sreyß wil ich leren. das ich die tugent yeb.

O her durch all dein giette. am end so stand vns bey. vor  
tuel vns behiet. mach vns von sünden frey. verleych vnns  
ewigs leben. durch dein barmhertzigkayt. das wöllest du  
vns geben. groß lob sey dir gesayt.

Einblatt-Druck von Joh. Zainer-Ulm.

Klischee aus Schramm, Bilderschmuck der Frühdrucke, Band 5.